

## তাকদীর বা ভাগ্যের ভালো-মন্দের প্রতি বিশ্বাস স্থাপন

**তাকদীর এর সংজ্ঞা:** আল্লাহ্ তা'আলা তার বান্দার জন্য সৃষ্টির সূচনা থেকে যা কিছু নির্ধারণ করে রেখেছেন বান্দার ভাগ্যে তা-ই সংঘটিত হবে এ বিষয়টিকেই তাকদীর বলা হয়।

কোন মানুষই তার তাকদীর অতিক্রম করতে পারে না। আআল্লাহ তা'আলা সকল কিছু নির্ধারণ করে রেখেছেন। আল্লাহ্ তা'আলা বলেনঃ

إِنْ كُلِّ شَيْءٍ خَلَقْنَاهُ بِقَدَرٍ

“আমি সকল কিছুই সৃষ্টি করেছি নির্ধারিত পরিমাপে।” (সূরা আল ক্বমার-৪৯)

তাকদীরের প্রতি বিশ্বাস করা বলতে বুঝায় যে, প্রত্যেক বিষয় আল্লাহ্ তা'আলা পূর্ব হতেই সম্যক অবগত আছেন এবং ক্রিয়ামত পর্যন্ত যা কিছু সংঘটিত হবে সব কিছুই তিনি লাওহে মাহফুজে লিপিবদ্ধ করে রেখেছেন। অতঃপর তার ইচ্ছায় সবকিছু ঘটে থাকে।

তাকদীরের বিষয়সমূহ একমাত্র আল্লাহ্ তা'আলা জানেন, আমরা কেও তা জানি না। সুতরাং আমাদের কর্তব্য হলো, আমরা তাকদীরের প্রতি পূর্ণ বিশ্বাস রাখব এবং আল্লাহ্র নির্দেশিত ভালো পথে চলব, ভালো কাজ করব, আর খারাপ সবকিছু হতে বিরত থাকব। ভাগ্যের ভালো বিষয়ে কৃতজ্ঞতা প্রকাশ করব, মন্দ বিষয়ে ধৈর্য ধারণ করব এবং আল্লাহ্র কাছে মুক্তি কামনা করব।